



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Compendium Totius Tractatus De S. Matrimonij
Sacramento R. P. Thomæ Sanches E Soc. Iesv**

Sánchez, Tomás

Coloniæ Agrippinæ, 1624

6. Peregrinus.

urn:nbn:de:hbz:466:1-41559

si secundam uxorem ducat, *lib. 7. disputat. 88. num. 45.*

Patrinus.

1 Patrini attento iure antiquo, tam in Baptismo, quam in Confirmatione, non poterant esse plures, quam vnus vel vna: attento verò iure nouo, tantum possunt esse duo diuersi sexus, & non possunt esse duo viri, vel due feminae. Et in his non valet dispensatio Episcopi. Transgressio tamen huius præcepti adhibendo plures patrilinos, est solum venialis, attento vtroque iure, *lib. 7. disp. 57. à num. 1. usq. ad 9.*

2 Attento iure antiquo, quotquot baptizatum, vel confirmatum tangebant, contrahabant cognationem spiritualem, modo verò post Trid. minimè, *lib. 7. disput. 57. numer. 4. & 8.*

3 Patrino iuranti se non habuisse intentionem contrahendæ paternitatis, non est credendum, *l. 7. disp. 58. nu. 8.*

4 Religiosi quamuis peccent, possunt esse patrilini tam in Baptismo, quam in Confirmatione. Et contrahunt cognationem. Similiter Episcopus non insignitus sacramento Confirmationis, quamuis suscipiens in Confirmatione non contrahat, at contrahat confirmans, *lib. 7. disp. 60. nu. 21.*

Peregrinus.

1 Peregrini tenentur legibus loci, in quo sedem constituunt animo habitandi, vel quando di-

do diuertunt per modum transitus: si consuetudines, & leges sui oppidi ibi obligent, vel si oriatur scandalum. Sec. dic. de legibus & consuet. loci per quem transeunt, vel in quo per modum hospitij reperiuntur cessante scandalo. Et istæ leges non obligant in suo domicilio, licet sint iuris communis leges ipsæ, & non obligantes in suo oppido. Et vt peregrini teneantur talibus legibus, sufficit habitatio maioris anni partis, *libr. 3. disput. 18. à numer. 1. vsque ad 9.*

2 Peregrini tenentur solemnitates seruare in contractu requisitas legibus & consuetudinibus oppidi, nisi sit contractus doris. Item tenentur ad gabellas loci illius, & seruare pragmaticam illius in vendendo. Item tenentur seruare leges quascumq; loci, per quem transeunt, si transgressio legum cedat in damnũ illius loci, *l. 3. d. 18. à nu. 10. vsque ad 14.*

3 Vagi, qui nullibi certam sedem habent, tenentur ad leges, & consuet. loci, in quo etiam obiter reperiuntur, *libr. 3. disputation. 18. numero. 15.*

4 Peregrini absentes à loco domicilij, non tenentur ad leges, & consuetud. proprij domicilij, licet sint iuris communis, & obligent in patria peregrini, non tamen in eo oppido, in quo reperiuntur, *libro. 3. disputat. 18. numer. 17. & 18.*

5 Lusitanus transiens per Castellam potest cibis vt iuxta Castellæ consuetud. in sabbato aduer-

aduersus contrariam Lusitaniæ, *lib. 3 disp. 18. num. 19.*

6 Græcus transiens per Ecclesiam Latinam potest in fermentato celebrare, vel in azymo iuxta morem Ecclesiæ Latinæ. Idem dicendū de Latino sacerdote transeunte per Ecclesiam Græcam. Et si inueniantur inter Latinos aliqua Ecclesiæ Græcæ, tenetur vnusquisq; suæ Ecclesiæ vsum seruare, *l. 3. d. 18. nu. 20.*

7 Proficiscens in die festo ad locum, vbi id festum non obligat, gratiâ exercendi seruilia, non peccat, nec tenetur audire sacrum, si intra tempus opportunum ad audiendum sit peruenturus ad locum, in quo festum non obseruatur, *l. 3. disp. 18. nu. 21.*

8 A proprio oppido exiens manè in quo seruatur ieiunium, nocteq; in locum peruenturus, in quo ieiunium non obligat, non solū potest nocte cœnare, & carnibus vesci, si ibi edantur, quamuis totâ die ieiunasset: sed etiam manè ientaculum sumere, si est moralis certitudo de profectioe, & accessū illâ die ad locum, vbi ieiunium non obligat. Nullo modo tamen poterit carnibus vesci, donec eo perueniat, *l. 3. disp. 18. nu. 22.*

9 Exiens à loco, vbi non ieiunatur, carnesq; eduntur, potest manè eas edere, quamuis nocte peruenturus sit ad domicilium, vbi à carnibus abstinetur, & ieiunatur. Vbi autem peruenierit, nequit carnib. vesci, nec cœnare, si nō dum ieiuniū fregerat: secus, si iâ fregerat, *l. 3. d. 18. nu. 23.*

10 In-

10. Incolæ locorum, in quibus decretum Trident. non obligat, diuertentes ad alia oppida per modum transitus, & hospitij, vbi obligat hoc decretum, non possunt absque parochio, & testibus validè contrahere matrimonium, *l. 3. disp. 18. nu. 26.*

11. Incolæ locorum, vbi Trid. obligat, habitantes per modum transitus in loco, vbi nõ obligat, possunt validè contrahere sine parochio, & testibus, quamuis in fraudem transeant ad talia loca. *lib. 3. disp. 18. n. 29.* Idem dicendum de captiuis, & mercatoribus existentibus, apud infideles, *ibid. num. 35.*

Pictor.

1. Pingens turpia, vt Venerem, aut Adonidem, delectis pudendis, aut diaphano velo operis, est culpa mortalis, *lib. 9. disputat. 46. numer. 44.*

Pœna.

1. Pœna adiecta contractui sponsalium diminuens proprium patrimonium est omnino irrita. Et violans fidem, non tenetur in vtroque foro eam soluere, licet sit apposta inter consanguineos, amicos, vel eos, qui probabiliter possunt inducere sponfos ad matrimonium, nec pœnam amittant. Secus de pœna non inducente necessitatem matrimonij, vt quando parentes promittunt sub certa pœna se facturos, vel absolutè matrimonium filiorum, *lib. 1. disp. 30. à nu. 1. vsq. ad 4.*

2. Pœna apposta ipsis sponfis inter extraneos